



西
陂
類
稿

行述
墓誌
祭文
奏疏

第十冊



西陂類稿卷三十

商丘宋榮牧仲

行述

先母劉夫人行實

余家自從曾祖莊敏公以理學名臣科為家訓一

族之中若遠若近咸相勸勉不棄於是余王母

詔贈夫人張氏 詔封太夫人丁氏著懿德於前

余母 詔封夫人劉氏嗣徽音於後嗚呼痛哉母

之亡閱二年矣以不孝犖抱病苦次不獲赴 闕

請卹歸窆無期罔極之恩既不可以報至於起居

西陂類稿

卷三一

一

飲食色笑之可思慕者皆邈焉不可得而親姻戚
有問及吾母者不孝犖及弟忻與爝但匍匐稽顙
以手指胸泣血而不能言會不孝犖病少愈謹以
母嘉言懿事可傳於鄉閭者質述一二庶以俟有
道而文者狀且銘焉夫人商丘人父諱永貽明萬
曆辛卯科舉人為先王父福山公 詔贈大學士
諱沾同年友母賈氏夫人幼事父母以孝聞年十
六歸文康公值贈公已歿張太夫人尋亦歿奉丁
太夫人溫清甘旨不愆於儀丁太夫人常稱之曰
事姑者當如此夫人相文康公謹慎周詳凡有所

欲言必視文康公色喜然後進事大小無攸遂祭
祀盡禮蒸嘗俎豆必躬必潔庭戶之間不聞人聲
及文康公壯而無子勸娶李趙郝三夫人愛如娣
如明天啓中文康公宰陽曲夫人勸以小心廉謹
曰一入仕途功令隨其後幸惟福山公清德是紹
當是時閹人魏忠賢專政當事請建生祠於陽曲
文康公拒不從忠賢使來偵其故禍且不測夫人
曰以直道觸法網人臣之義但丁太夫人者暮無
依盍以病歸文康公遂浩然挂冠會忠賢敗而止
崇禎中文康公爲給事中草銓政數十年大弊貽
西陂類稿 卷三十 二

禍封疆一疏夫人又申前歸養之說丁太夫人從
憑使上之一時歎丁太夫人之賢文康公之忠而
嘉夫人之孝焉後文康公爲順天巡撫甫三日而
流寇陷京師僞爵徧漁陽文康公誅其將黃錠等
謂夫人曰我封疆重臣誼當報讐然死在旦夕丁
太夫人在子善事之夫人率家口五十人奉丁太
夫人遯山中流離之際昏晨問視如常儀會王
師入關公巡撫如故夫人曰讐已報可長往矣文
康公疏辭不許迨文康公徵拜爲相夫人復申前
請六年而予告歸里夫人覲然喜靜好黽勉比

於良友其教育諸子也雖顧復撫摩無不周至有大過未嘗不面數之不孝犖病夫人禱於神寢食俱廢一日不孝犖出飲歸漏下四鼓夫人猶未寢曰汝不記丁太夫人之訓汝父乎曰爾從文學之士遊則吾喜非是吾竟日不能食以故汝父力於學卒致貴顯豈於汝而可不敬承其訓乎語罷悽然不孝從此不敢爲長夜飲文康公卒將葬不孝犖請於夫人鬻產以襄事夫人不允曰朝廷頒勅賜兆遣官營送所以重汝父之清德也今第隨家有無何必鬻產且產先祖所留非汝父置奈何犖之不孝犖卒鬻產夫人亦不加責鄉閭稱之近水旱頻仍賦役煩興不孝犖又好與海內賢人君子游及文康公故舊往來讌聚戶外之履常滿用或不足夫人出簪珥佐之曰不忍以米鹽困吾子使亂其心夫人御下寬僕婢輩不輕以鞭扑加之當壬午流寇破宋夫人匿於民舍爲舅氏僕婦所侮及文康公晉開府其婦與夫叩首以請夫人曰侮者不記爲汝何罪之有遣之人服其量焉夫人享年六十有二以萬曆戊戌年二月十一日辰時生以順治己亥年六月二十六日申時卒以文康

公官 詔封夫人嗚呼痛哉昔文康公之沒也餘
圖書數卷窻窻之費貸於親戚夫人沒而餘十二
金卽三日前副使徐公必遠所饋藥餌資也其澹
泊有如此夫人每布衣蔬食與家人婦同紡績偶
鄰婦過不辨爲夫人焉其勤儉有如此所以不愧
於莊敏公之家訓歟子四長焯李夫人出壬午之
亂出亡不知所在次卽不孝犖也侍衛娶明兵部
左侍郎葉公諱廷桂女次焯中書科中書舍人娶
御史王公諱應昌女趙夫人出次焯國子監官監
生初聘少保兼太子太保刑部尚書劉公諱餘祐

西陂類稿 卷三十

四

女未歸殤娶中書科中書舍人梁公諱遂女郝夫
人出女三長適明太常寺卿侯公諱執蒲子生員
慮次適明光祿寺署丞侯公諱執中子生員勲李
夫人出次許字少傅兼太子太傅工部尚書劉公
諱昌子官生士元郝夫人出孫八甚至未聘陸聘
戶部郎中崔公諱掄奇女著未聘犖出遠聘生員
劉公諱榛女起聘生員葉公諱元渥女貴載未聘
焯出孫女六一許字貢士侯公諱忞子方至三未
字犖出一許字孝廉徐公諱作肅子世際一未字
焯出不孝子犖泣血謹述

先生母趙太孺人行略

嗚呼痛哉我母太孺人遂舍不孝而長逝耶維十二月十七日實為太孺人誕辰先一月不孝在黃署出俸金備衣物陳之將母樓前北向再拜手授使者走都門為太孺人壽寄書弟忻曰言念母氏不能膝前進一觴余尚可以為人哉不謂書成而心動使者未出門訃音至矣嗚呼痛哉居常念吾父相國文康公享年五十有五嫡妣劉夫人享年六十有二皆以未登大年為恨今太孺人享年五十有三愈不逮兩先人矣不孝與言及此五內崩摧若受鋒刃安能追憶太孺人生平懿美著之於篇然賓客賜弔者問及母氏不孝但稽顙苦次茫茫無以對所謂先人有美弗傳不孝滋懼甚謹匍匐泣血而質述之太孺人姓趙處士公諱時之女生而端莊事親以孝先文康公壯猶無子先嫡妣劉夫人勸公娶賢淑為副太孺人笄而歸公時先王母丁太夫人在堂顧之喜語劉夫人曰吾家自莊敏公以來世為名門內德茂著新婦必能佐汝相夫子承先烈劉夫人亦喜太孺人顧遜謝不敢當莊敏公者不孝從曾祖父諱纁明神宗冢宰以嚴

訓刑家爲宇內稱式者也太孺人慈惠勤敏從不以鞭扑加僕婢有過失理諭而遣之門以內事無大小必躬親操紡績執烹飪晨昏不倦久之丁太夫人愈大喜劉夫人遂以家政全委焉處李郝兩庶母間以和謹自飭兩庶母咸德太孺人終身無間言年十八育不孝犖又五年育弟炘不孝兄弟生數歲皆依劉夫人爲命不知其爲太孺人出也後從婢子稍聞之以問太孺人太孺人笑而不答嗚呼太孺人之曉大義度越尋常遠矣當文康公爲給諫抗疏忤時禍且不測爲中丞戎馬倥傯濱西陂類稿

卷三十

於危殆者數矣日以丁太夫人爲念賴太孺人偕劉夫人贊襄於內甘旨無缺卒無貽文康公憂明末寇屠宋郡太孺人隨文康公夜竄荆棘中手攜炘以一牛載劉夫人與不孝犖太孺人且牽且走艱辛萬狀外祖處士公春秋高衣衾棺槨皆取辦太孺人手績布數十端貯之別篋一旦聞訃悉挈所豫備者出以助喪鄉閭至今歎美之事繼母盡禮侍弱弟情好最篤卽遇劉氏舅無殊同氣迨不孝以侍衛出佐黃郡太孺人就養官舍教以廉敏小心每語不孝曰天何厚吾家簪纓相繼者累世

蓋源遠則流長耳兒居官幸自勉毋忘祖若父不
孝敬受命不孝判黃五載迄無善狀然不敢自暴
棄以貽厥累者皆奉太孺人訓也太孺人喜濟人
急恆出典簪珥以贍困窮稱人之善孜孜惟恐不
及於兒女輩愛養周摯拮据不恤弟炘婦王孺人
卒妹氏又喪於遠方哀痛邁疾遂不起妹爲庶母
郝太孺人出太孺人一視爲己子其居心忠厚抑
天性然耶歲丁未不孝以代 覲如都送太孺人
返舍明年 覲畢返黃便道定省臨別太孺人淚
盈盈承睫曰努力無相憶也不孝含悽就道旋聞
西陂類稿 卷三十 七

弟炘從京邸迎養幸遇

覃恩封太孺人不孝舉

手加額謂罔極之恩藉以少展孰知太孺人目送
不孝之日卽不孝與太孺人永訣之日也嗚呼痛
哉已酉秋不孝董漕事舟泊江上夜夢太孺人執
不孝手形狀慘頽異於常日迨寤恍惚如有所聞
見起援筆爲詩紀之曰幾日滄江上高堂應夢頻
京華千里隔顏色暫時親薄宦終何補中宵漫愴
神慈烏天外至鳴噪向荒榛爲之不怡者屢日時
方初秋意者太孺人念兒遠遊無從訣別魂夢涉
風濤走萬里其朕兆固先見耶弟炘來訃云母素

無病妹氏凶問至絮泣不休痰疾或作或瘳然不謂其遽棄世也偶夜半呼基起兩孫至與之圍爐話昔年亂離景况悽然泣下須臾痰湧而卒基不孝犖冢子也太孺人篤愛之適以赴監至京猶及與太孺人一見信有天意云太孺人生於明萬曆丁巳年十二月十七日子時卒於康熙己酉年十月二十二日丑時子二長卽不孝犖也湖廣黃州府通判娶明兵部左侍郎葉公廷桂女次炘吏部稽勲清吏司主事娶監察御史王公應昌女孫六犖出者四基生員娶兵部主事狄公宗哲女至聘西陂類稿

卷三十

監貢劉公勳女陸聘戶部郎中崔公掄奇女著聘進士李公芳廣女炘出者二起聘生員葉公元渥女超未聘孫女十一犖出者六長適貢士侯公忬子監生方至二許字江西提學道僉事王公震生子監生組三許字生員侯公勳子方履四許字工部主事劉公士龍子聖學五未字六許字江西嶺北道右叅政湯公斌子沆炘出者五長許字舉人徐公作肅子世際二許字福建南安縣知縣劉公佑子梅三未字四許字內翰林弘文院編修李公元振子繼修五未字曾孫一人如金未聘基出不

孝男犛泣血謹述

亡弟介子行狀

嗟乎痛哉余安忍狀介子哉今夏六月
上幸古北口余奉檄運米於密雲密雲舊爲先文
康建節地制府傾圮惟古槐突兀猶存憶介子方
兩歲繡衣文襟遶樹下爲之臨風慨然因作書寄
介子書到而介子病已革不能語子昭弟持示之
含淚頰其首須臾而亡嗟乎痛哉余安忍狀介子
哉然非狀則幽宮之銘無從述也爰和淚濡筆而
質紀之介子姓宋氏名炆介子其字亦稱介山余
西陂類稿 卷三十

九

季弟也明末天下大亂先文康攜家避難江南舟
過宿遷而介子生幼秀穎異羣兒先文康故善飲
介子數歲卽耽杯酌家人戲之曰而欲效若翁耶
先文康見背時甫十齡居喪如成人事先母劉夫
人今庶母郝太孺人最孝於余與子昭風雨聯牀
得友于之樂弱冠工制義能詩善畫以門廕入國
學余家爲中州舊族而余又好交遊喜詞賦以故
介子所至皆班荆於賢豪長者性恬雅風期遐暢
類晉人於文酒高會時出諧語傾座上客頗擅風
流之譽遇事則周詳謙謹無疾言遽色居然退讓

君子也於鄉閭族黨無間言下至奴婢終身無呵
責嘗謂余曰人言怒最難持我覺世無一事可怒
者噫其養可知已歲辛酉以候補內閣中書中式
順天鄉試名次四十七受知於沈扶蒼歸孝儀沈
昭子三先生咸愛重之先文康以前辛酉舉於鄉
介子追蹤其後以爲公輔可期乃竟以胃病歿天
乎天乎於理有不可解者其詩初學王孟近奉教
於王阮亭先生又從余辨析氣格聲調精求乎漢
魏唐宋作者之意一變而爲古勁幽折之音七言
近體尤擅場殆不減李義山有集二卷校而刻之
西陂類稿

卷三十

十

家塾畫花草類陳白陽徐文長山水秀潤得董巨
遺法人求之多不可得時揮灑於斷縑敗紙精光
炯炯動人今存者爲余黃州所作花草十二幅耳
介子生於明崇禎十六年三月二十七日戌時卒
於康熙二十二年閏六月初七日辰時年四十有
一 勅授徵仕郎祖諱沾明山東福山縣知縣祖
母張丁兩太夫人考諱權內國史院大學士謚文
康母劉夫人生母郝太孺人初聘兵部尚書劉公
諱餘祐女未娶殤娶山東提學道僉事梁公諱遂
女封孺人子二學生員娶生員葉公諱元溥女壻

聘前錦衣衛千戶葉公諱元滋女孫女二學出未
字將於某年月日葬於先文康 賜兆之旁因以
狀寄壘俾乞銘於劉山蔚榛山蔚蓋親串中之有
德而文者與介子情好最篤云兄瑩投淚狀

庶母郝太孺人行略

嗚呼太孺人遂溘然棄人間世耶太孺人素健旺
自弟炘迎養蕪陰歸途驚於覆車而一疾纏綿越
七年卒以不起豈非天哉豈非天哉瑩是時待罪
通路旣不能親視含殮今將啓先文康公之 賜
兆而祔焉瑩又新奉江藩之 命王程息迫無能

西陂類稿

卷三十

十一

臨穴一號竝以瞻望我先公先夫人託體之山阿
誰謂宋遠一葦難杭則淚眼欲枯而悲腸欲碎矣
憶庚申夏瑩自贛復 命便道歸省得侍太孺人
之色笑不謂自此杳靄白雲頓成人天之隔也嗚
呼痛哉太孺人生平婦道母德不可湮沒於無聞
而奈瑩五衷摧裂莫能件繫其詳謹約略質述其
一 二大者付其受重孫壘持以乞吾友劉子山蔚
銘其墓石焉太孺人姓郝氏順天人處士諱有德
之次女先文康公居黃門省時與宛平劉少保相
善也少保公納郝處士長女知其妹之賢又加於

姊少保公因自爲寔修於先文康公而納之於京
邸及生吾弟烱先文康公求少保公女少保公曰
賢母之子必有異願聞命太孺人事先王母丁太
夫人有無形無聲之視聽而事先文康公及先夫
人敬順有儀處吾母趙夫人李庶母之間謙和友
善始終無間言平居莊以自持無詭笑無絮語余
家自先莊敏公垂範甚肅門以內不敢有嘻嘻聲
而太孺人尤恪謹出於天性丁太夫人劉夫人交
悅之待以異數當李自成之變太孺人奉丁太夫
人劉夫人轉徙流離而左右扶持無倦色及次第
遭丁太夫人文康公劉夫人大故凡附身附棺
與祭祀賓客之奉皆一一經畫周到無缺禮遇諸
子婦藹然慈和卽僕婦亦措鞭扑而不用弟烱友
順溫仁至死不見有疾言遽色者太孺人之化也
先文康公棄賓客時弟烱方十歲太孺人卒能教
之有成康熙十六年烱由官監生授內閣中書太
孺人得邀勅命又四年烱登賢書太孺人喜曰
吾可報其父於地下矣未二年而烱亡明年弟烱
亡又明年太孺人亦考終焉嗚呼天乎其何弗弔
予家至於此極也三年之間三訃疊來而余一官

羈縻止於爲位長號余其罪人也乎太孺人生於
明天啓癸亥正月初六日卒於康熙乙丑正月初
八日享年六十有三子男一卽焮也內閣中書辛
酉科舉人初聘少保兼太子太保刑部尚書劉公
餘祐女未歸殤娶貴州糧驛道按察司僉事梁公
遂女封孺人女一適少傅兼太子太傅工部尚書
劉公昌子鄧川州知州士元早亡孫學貢生娶增
廣生葉公元溥女壻聘前錦衣衛千戶葉公元滋
女曾孫繡虎聘武安縣儒學教諭劉公動孫女太
學生德至女曾孫女二一未字一許字舉人徐公
西陂類稿 卷三十
三
作肅孫廩生世際子能昌皆學出杖期子犛杖淚
述

亡兒陸行略

余諸子皆有雋才能讀書而三子陸四子著獨不
幸短命死著之死也余親爲文誌其墓又有高侍
郎念東先生哀辭載家乘陸死時余方客京師又
當諸子女俱無恙而突聞陸之變悲不自勝余素
善病家人輩恐憂能傷人勸余痛自抑久之遂不
敢憶及今甲戌夏距陸死蓋十有七年矣陸之子
吉金省余平江官舍出陸所書詩一卷求毘陵邵

君子湘跋而藏之余嘉其意因追錄陸一二遺事授吉金俾更乞子湘誌陸墓垂不朽焉陸字海叔商丘縣諸生居恆遵先莊敏福山文康諸公累世家法循循自好數歲時值母葉淑人病晝夜省視不少懈每用藥則與兄弟爭嘗之躬調以進淑人稍假寐則數穴牕紙含淚而望舉家爲之感動一日遣陸過鄰邑致弔時深秋大風雨寒甚余解一裘衣之期三日返次日遽歸余詰何速也對曰恐大人需裘故遄返耳其孝謹多類此陸就傅時余宦遊不及親爲督課少長以制義數篇寄燕邸余與陳太史介眉同觀介眉曰近日時文卑弱亟須此清疎蒼莽之作正之余驚喜始知其能文也同里徐孝廉恭士以善書名有題余東園詩云乾葉間中落虛堂冷色侵余最愛之他日陸竊書二句於壁勁拔可觀後不署名余頗疑恭士筆問知爲陸書則益驚喜余又訝其能書也嗚呼方以大成期之而不謂遽得瘵疾以死死時年僅二十有一嗚呼余所爲撫今追昔閱十七年而中心如擣不禁淚霏霏下也陸生於順治戊戌年八月二十六日卒於康熙戊午年二月十六日娶戶部雲南司

郎中夏邑崔公掄奇女子男子一卽吉金歲貢生
候選教諭女子一許字同邑劉錫嘏孫齊萬

西陂類稿卷三十終

孫品金校字

西陂類稿

卷三十

十五



明中夏邑崔公掄奇女子一卽吉金歲貢生
候選教諭女子一許字同邑劉錫嘏孫齊萬

西陂類稿卷三十一

商丘宋犖牧仲

行述墓誌祭文

亡室葉淑人行述

嗚呼余年來所遭不造骨肉摧喪屢離期功之戚
干支家言今歲將不利於內子余聞卽心動正月
三孫岐金殤余意足以當之孰知命數有定余妻
葉淑人竟溘然長逝耶念結髮五十年自先王母
丁太夫人至曾孫齊萬已六世矣皆余與淑人所
身歷今一旦舍余而去中心慘割如何可言又念
淑人生平嫻內則明大義其才德有不可泯者爰
披淚質紀一二乞文章之士賜之一言按淑人先
世本江西泰和人七世祖諱受徙商丘之穀熟集
爲商丘人祖諱呈春以貢授訓導父諱廷桂明天
啓壬戌進士歷官兵部左侍郎兼都察院右副都
御史總督沿邊軍務崇禎朝先文康官給事中司
馬公官曹郎情好最篤余始生司馬公飲先文康
寓齋舉卮相向曰我異日生女當與結姻明年淑
人生遂訂盟焉淑人嫡母李淑人生母帥孺人淑
人生數日帥卽亡李淑人撫之不異已出方數歲

值甲申之變隨司馬公浮家江浙音問杳然司馬公歿李淑人攜淑人歸里余時以門廕入朝侍衛丁太夫人謂先文康曰葉家女雖在弱齡可令犖迎娶慰我七十老人意遲恐不能待也以是淑人年十三卽歸余時余家鼎盛丁太夫人余母劉夫人生母趙淑人庶母郝孺人皆在堂淑人曲盡孝謹處諸姑娣姒無間言余家自莊敏公以來家法嚴整至丁太夫人及余母愈加慎飭族黨推爲女師余母在日卽命淑人代綜家政迨今五十年於姻戚里黨吉凶往來歲時祭祀饋食及田園租稅之稽核衣服酒醯米鹽之瑣屑皆井井有條理纖悉不苟其操作之勤自奉之儉有里中婦所不能堪者淑人產五男六女男督之向學女教之治家男學業進則嘖然喜否則嚴責之不少假人咸曰淑人善教子女適人皆勉以恪守女誠無攸遂惟酒食是議每戒曰吾見人家女子歸寧多言姑之薄語絮絮不休吾甚非之願汝曹毋復然不則吾不令汝歸也女唯唯人咸曰淑人善訓女余官黃州時淑人奉趙淑人歸里勸余納妾薛氏生子筠七日而薛亡淑人篤愛之每摩其頂曰余諸子

女皆婚嫁獨此子未婚是余所惓惓耳余自官郎署卽不以家隨迨叨

聖天子非常知遇一歲三遷再膺旄節 國恩愈

重家計愈踈二十年來無一衣一簪珥寄淑人淑人從家郵中數數以廉謹相勗曰我家中甬勉耕紅足爲兒孫計不願君寄一錢歸也噫室人交謫自古已然余何以得此於淑人哉余年十七八卽抱清羸疾藥餌終身淑人素健甚藥不入口三年前忽嬰血疾少間余迎之來吳方謂高堂謝世手足彫傷獨白首夫婦天涯相對庶幾少慰余懷不足陂類稿

卷三十一

三

謂兩年聚首一旦摧折未免有情何以堪此嗟哉嗟哉遺挂在壁清塵委牀此余所以老淚涔涔嗚咽而不能自己也數日前家人來吳淑人之娣寄語兒輩曰爾母曩衣一香色綾襖將十年矣今在署中吾料必仍著此衣余聞之笑曰果然其儉朴多類此淑人生於明崇禎乙亥四月十二日卒於康熙丁丑四月初二日得年六十有三初封安人再封恭人三封淑人子男子六基直隸保定府同知娶兵部車駕司主事狄公宗哲女皆前卒至丙子順天鄉試副榜娶慈谿縣知縣劉公動女陸郡

庠生前卒娶戶部主事崔公掄奇女著邑庠生娶
中書舍人李公芳廣女皆前卒致貢生初娶安平
縣知縣劉公士冠女繼娶滄州知州王公羽女皆
淑人出筠郡庠生聘武英殿大學士吏部尚書李
公天馥女薛氏出女子六一適貢生侯公忬子理
藩院知事方至一適江西提學道王公震生子元
氏縣知縣組一適貢生侯公勲子廩監生方履一
適江南提學道劉公士龍子南陽縣訓導聖學一
適鎮守開歸等處總兵官左都督高公第子世襲
二等阿達哈哈番拱弼一適工部尚書湯公斌子
西陲類稿 卷三十一 四

貢生沆俱淑人出孫男六基出者二如金候選中
書初娶理藩院院判李公會生女繼娶貢生侯公
方揆女歧金郡庠生前卒至出者一華金聘翰林
院檢討竇公克勤女陸出者一吉金臨潁縣學教
諭娶候選州同知李公倓生女著出者一韋金邑
庠生娶候選通判葉公增英女致出者一禹金未
聘孫女二一適監生劉公德載子錫嘏陸出一未
字至出曾孫一齊萬吉金出當基與狄氏相繼亡
不忍聞之淑人淑人病中屢夢見狄氏曰吾夫婦
已死願姑無念我不久當相見也嗚呼痛哉嗚呼

痛哉

亡兒著壙誌

商丘宋犖牧仲曰兒著字錦舍行四余妻葉安人出爲邑諸生勤學工書法試輒高等以病瘖天憶兒數歲時與諸兄以小過觸余怒將杖之先母趙宜人爲之言兒從憑諸兄長跪請杖曰杖則心安否是不受教也其幼而明理如此後余以刑部員外郎權關贛州欲革船稅每年可省商人數千金吏胥多旁撓兒從傍曰吏不過八人商則千萬人與其八人悅何若千萬人悅耶余是其語毅然行

西陂類稿

卷三十一

五

之寧都魏叔子徵君過贛兒師事之嘗爲兒銘一硯曰女方其外而去其稜角因其自然而不琢其璞斯文章所由作知兒之奉教於徵君至矣歸途泛大江和余詩云駘蕩輕風日欲斜雲烟縹緲接平沙舟人指點江天外朶朶芙蓉是九華今刻之雙江唱和集中王阮亭先生極稱之兒學詩纔數月所存祇此耳平時寡言笑神氣淵涵不露余期之者甚至而竟夭於瘖是可痛也兒生於順治十七年三月十九日卒於康熙十九年八月十一日年二十一娶候補中書舍人李公芳廣女以是年

九月十五日葬於先文康墓西南第三兒陸冢傍
拭淚誌其遺事命次兒至書石納諸壙中寫余悲
焉

著葬後八十一日余姪起夢著語之曰兄以著
爲眞死耶著不死矣明日而遺腹子生名韋金
小字百常蓋阮亭先生命之余所爲壙誌中未
之及也其後十二年韋金又喪母所遭不造乃
至於斯孤童樹立在乎自奮念韋金今年已十
五將進成人之列余懼其尚有童心也乃屬尹
子山書書此冊付之俾時時省覽用自刻勵云

西陂類稿

卷三十一

六

亡妾薛氏墓誌

康熙二十年正月二十九日辰時商丘宋犖牧仲
之妾薛氏歿於京邸歿後五十一日命姪墉載其
柩南歸以某月日葬於先文康府君 賜兆之西
少南犖誌其墓曰氏之父虹駕母高氏本大名人
流寓揚州其生也爲順治十年十一月二十三日
幼而沉靜常隨父母過鄰園獨向林中摘橘橘樹
忽起龍雷電交作父母以爲死矣氏故無恙自是
心異之康熙五年余佐郡黃州內子葉安人不及
從勸余置妾遂納焉時年十四瀕行其母泣語曰

人家主母遇妾勝率寡恩吾今送汝心搖搖爲汝
愆也氏曰是無難主母母也妾猶女第恐女事母
不得當耳未聞母無故罪女者復語其父曰爲人
妾而父母數相往來非禮也願父母勿復然至則
欲然自下凡事一秉於禮加意女工酒食無紛華
之好葉安人見而喜先母趙宜人尤篤愛常親爲
沐髮望見余一手握其髮一手招余至告之曰此
賢女也吾老人所僅見汝其善遇之趙宜人卽世
哭幾死葉安人偶病晝夜侍左右至廢寢食復以
余善病長齋繡佛每晨起顛天祝無恙者十餘年

西陂類稿

卷三十一

七

余近歲始知也余性好爲詩恆擁被吟哦偶燈下
成一詩索筆硯不得氏從容曰筆硯固在恐公苦
吟致疾妾匿之笥中矣其用心多此類隨余宦遊
久一以廉潔寬大爲勸余近有蓴鱸之興則從旁
慫恿之尤閨幃所難云曩生一子而天辛酉正月
二十二日生一子前夕見雙燈冉冉自天下大司
成王阮亭先生命名曰筠小字炬不謂氏於產後
病疹七日而亡蓋得年僅二十有九悲夫死之日
余以刑部員外郎奉命昇請仁孝孝昭兩
后梓宮恩恩就道棺衾不遑親經理回顧七日嬰

兒呱呱在側此余所以涕泗霑襟而不能自己也
嗚呼余三年中一哭兒陸再哭長女兒著今又哭
氏而爲之誌其傷心爲何如哉其傷心爲何如哉

青門山人墓誌銘

青門山人旣歿之明年厥孤士豫士京衰經涕洟
持狀來乞銘曰先君葬有日矣抑此先君之命也
憶余始識山人於黃州嗣開府江右山人數過從
比莅吳則延致院署簿書之隙相與商榷今古意
見多合觴詠往復殆將一紀今已矣微二子之請
忍無一言志其幽竊以慰亡友於地下乎按狀山

西陂類稿

卷三十一

八

人系出宋大儒康節先生後康節六世孫依婦家
來毘陵始爲常州人居武進縣之章湟里十一傳
有諱銑者山人祖也考諱文燦嘗以家貲贍其鄉
里邑中稱爲善人山人幼穎敏讀書日數行下籍
籍有神童之譽甫十歲卽隸籍學宮每試屈其曹
耦謂青紫可戾契致及省試輒不售山人於是發
憤謝去舉子業益潛心六經三史及唐宋諸大家
之文鑽穴寢饋梳爬剔抉久之融釋貫串大放厥
辭理足氣溢醇而肆簡潔而渾雄蓋山人根柢槃
深而又甚疾夫世之爲古文者標敝丐貸影響依

附故其於文洮汰鍛鍊粹然成一家之言今所刊
行青門集若干卷是也往余序山人之集謂國
朝布衣之以文鳴者自商丘侯朝宗寧都魏叔子
外唯山人可鼎足而立然山人起孤生不藉家世
黨援刻苦踔厲與之後先揖讓於壇坫之上而詩
又特工又能於及身親見其詩若文流布遠近爲
當世所指名以不沒於身後較之侯魏力倍難而
遇過之噫可謂盛矣世競惜山人阨於一第恫懔
不得志以老若此者詎不謂之厚幸歟山人內行
淳備居親喪力行古禮又嘗獨力創始祖康節先
西坡類稿 卷三十一 九

生祠所費不貲皆取諸子錢家藏事族子某有失
身爲豪家奴者山人捐金拔之歸與人交煦然以
和中坦坦無城府意所不可卽髯張面赤絕無滯
忍阿附之習嘗往來京師有顯貴物色之者山人
自矜重不先不往蓋其制行之卓卓者如此家故
不貧有田一區在荅湖之濱歲有秔稻蔬藪之奉
居則有山池竹木禽魚之翫其出而遊也特欲縱
覽名山大川與一時偉人巨子抵掌樹頽廣拓其
見聞以銷其胸中結轡抑塞之氣故宇內名勝之
地足跡幾徧所交悉當代第一流晚而倦遊詩文

益恣肆瓌璋令人睥睨震掉余方以此卜其松喬
之壽而山人遽不幸死矣豈不惜哉山人姓邵氏
諱長蘅一曰衡子湘字也享年六十有八歿於康
熙甲申年十一月二十二日配錢氏前卒側室高
氏劉氏子男子二長士豫郡庠生高出次士京太
學生劉出子女子二適管澄毛銳孫男女若干人
墓在某鄉某里之原窆以某月某日山人故嘗補
博士弟子員已而入太學試於吏部當得佐貳官
絳名選人然非其所好稱青門山人從素志也噫
世之稱山人者衆矣率弭其外而枵其中若青門
西陂類稿

卷三十一

十

者實乃不愧今新城王阮亭先生雅知山人稱其
文爲荆川後一人長洲汪鈍翁先生以爲山人人
品似陸魯望文章似柳子厚知言哉嗚呼是可銘
已銘曰

祭唐六如解元

嗚呼先生間代文人蛾眉謠詠一跌不振翔鳳冒
網叢蕭鄣蘭詩酒放浪書畫絕倫佯狂箕踞逆藩
不磷曾百餘年馬鬣就湮蛇遊豕聚畫鴟宵燐燐
仰止高風凭弔愴神殘碑洗剔一抔僅存乃飭有

司封樹表阡桃花流水有亭翼然公神來遊駕虬
翳雲髣髴文祝驂驛後先翩其格思酌茲一尊尚
饗

祭葉淑人文

嗚呼憶余與淑人結褵閱五十載而宦途之睽隔
者蓋及二十年歲之甲戌相見吳門笑言晏晏握
手輒然謂余髮之種種而君亦衰顏自今以往庶
相莊於白首樂骨肉之團圓而何意星霜三易忽
焉弃捐余灑泣而述君懿行將託之文章以永其
傳嗚呼余口茹藥余腸轉輪撫棺一慟有淚如泉
西陂類稿 卷三十一 十一

嗚呼哀哉尚饗

祭青門山人文

嗚呼長嘯宇宙歎高才之陵替而歔歔况乎平昔
交遊之素一旦音容潛翳而不可追惟君以布衣
之雄操數寸管與鉅公名卿分席於詩古文詞鼎
足侯魏之間拍肩把袖竝道而爭馳余始識君於
黃州官舍贈我以射虎之詩江右相逢爲君論定
名山之業洎懸榻於平江使院與君交者前後四
十餘年於茲君少負逸才長探載籍沉浸釀郁乃
大放瓊琚而惟所欲施懷寶被褐一出而隱然名

動乎京師諸公折節定交恐後忽神往於蓬萊海
市之奇恣情山水跡半天下以震發其胸中磊落
怪偉之英思度大庾陟匡頂泛洞庭溯桐江而徘徊乎孤山之側者久之筆牀釣具浮家不果乃顧
清秋之幕府以來歸握手一笑曰小滄浪可以棲
遲惟是論文講藝戰詩鬪茗舍此而我勿與知樽
開芍藥之圃月滿芙蓉之池二三文士相與吟嘯
而追隨君也掀髯高唱酣嬉淋漓嗟肺氣之寢劇
致腰脚之增衰草堂臥疴經時閱月悵錦字之何
稀分藥物於官閣推仙根於帝賚願神明其爲
西陂類稿 卷三十一 三

我扶持創設籃輿從容輦致覽清德之新構啓
賜果之園扉而如行乎山之隩與水之濬憶去年
之今日張樂開宴演侯嬴之軼事會羣彥以行危
君於其中巋然祭酒諸君子咸屬目而瞻依余方
謂晨星落落幸如君者猶庶幾靈光之不泯而碩
果之長遺何圖季夏之日一見於毘陵舟次遽此
生覲面之無期嗚呼死生夢覺君久已浩然觀化
解脫而無疑緬五真之幻影則意者君之英魄靈
氣不隨春風秋日耕烟釣月卽長在乎蕉圍之三
尺或向五嶽而遨嬉惟立言之不朽足以穀其令

子而亦又何悲余所以不能爲太上之忘情者興
哀於文人彫喪故交零落不禁臨風灑淚以淒其
嗚呼哀哉尚饗

西陂類稿卷三十一終

孫乾金校字

西陂類稿

卷三十一

三

西陂類稿卷三十一終

孫乾金校字

西陂類稿

宋以文入淵身爲交零落不禁臨風灑淚以淒其

子而亦又何悲余所以不能爲太上之忘情者興

西陂類稿卷三十二

商丘宋犛牧仲

奏疏一

歲戊辰犛以譴劣蒙

聖天子格外簡拔填撫江右越四年壬申移節吳

門又十四年乙酉蒙

聖恩擢長銓曹如蚊負山夙夜悚惕今幸得乞身

而歸矣伏念先莊敏文康兩公竝歷官巡撫以

至大用政績載在家乘大要以敦本守拙為準

犛今日者不敢負家訓即不敢負

西陂類稿卷三十二

國恩新城王司寇士禎曾謂犛曰公豫章定變淮

揚賑饑二事堪於史冊大書特書犛愧不克承

暇日檢閱二撫題奏擇其事之大者存之得如

于篇江左請蠲請賑數逾七百萬補牘太繁難

於悉存凡銀米自二千兩石以下者不錄二年

吏部疏俱會題無專稿故亦不錄惟以乞休與

謝恩疏附焉庶稍具敦本守拙之槩歸老西

陂倘二三親舊以宦况詢者當出示之匪敢以

司寇語為誇也康熙戊子初秋日犛序

江西巡撫到任疏

康熙二十七年六月十九日上

竊臣仰荷

皇上特恩簡任江西巡撫奉命之後臣卽遵照

定例將任內一切錢糧與署江蘇布政司事分巡淮揚道副使臣胡國佐交代清楚於康熙二十七年五月十九日由水路赴任至六月十三日入江西九江府彭澤縣境時因楚省兵叛界連九江印信未便遠齎至六月十七日舟抵南昌府新建縣昌邑地方始接護理巡撫印務署布政司事督糧道叅政臣吳延貴差委南昌府通判陳璠臣標左營遊擊中軍詹英齎捧

西陂類稿

卷三十二

二

欽頒江西巡撫關防一顆

王命旗牌八面副并書吏文卷到臣謹驗收遂

於本月十九日到省城臣署恭設香案望闕叩

頭開用受事訖所有勅書開載事宜以及地方

應行應革利弊容臣祇遵次第舉行其勦禦楚省

叛兵事宜見在另疏具題外合將入境到任日

期繕疏恭報伏乞

皇上睿鑒勅部查照施行

謝

恩疏

二十七年六月十九日上

竊臣一介庸流以父權官國史院大學士叨承

恩蔭由外吏歷任刑曹迨奉簡書分巡通永惟知恪共厥職原無寸長可表蒙
皇上不以臣為菲才超遷山東按察使已出非常知遇甫任半年不由會推又蒙
特恩擢授江蘇布政使受事僅止數月又蒙
皇上陞補江西巡撫一歲之間三叨

特簡洵膺節鉞

聖恩高厚亘古希逢臣何人斯邀此曠典即使捐糜頂踵難以報稱萬一惟有益勵素心勉竭愚悃潔已率屬務期大法而小廉簡政平刑庶幾民安
西陂類稿卷三十二
三

而物阜以仰報我

皇上格外簡拔之殊恩而已臣謹望闕叩頭恭

疏奏謝伏乞

皇上睿鑒施行

撥協楚餉疏

二十七年六月十九日上

竊臣欽膺簡命巡撫江西所有入境到任日期

已經另疏題報在案惟是湖廣督標裁兵肆叛

臣舟抵江南大通鎮地方接准署兩江總督安徽

撫臣楊素蘊咨會到臣以江楚接壤封疆重務

亟需調度晝夜兼程前進於六月初十日至安慶

府會署總督臣楊素蘊知已調撥江右撫鎮兩標
官兵前赴九江勦禦臣又與面商機宜至十三日
舟抵彭澤縣據九江營副將王昶標下右營遊擊
陳化龍會詳呈請給發赴楚官兵行月糧餉臣思
師行糧從難以稍緩路過湖口隨諭令湖口縣動
支本年地丁銀一千兩併委分巡饒九南道僉事
臣朱尚隆領齋前銀星赴潯陽如各標營官兵有
應給行糧者卽行支給如月餉未支足者俱一一
發足使官兵星馳前進會兵合勦又准署督臣楊
素蘊咨據湖廣黃州協副將阮述報稱卑職調領
西陂類稿卷三十二
四
官兵作何籌畫糧餉接濟移臣檄行布政司發銀
四百兩差役齋給以應該將官兵糧餉之需臣亦
經檄行江西布政司照數差齋交付該將查收外
至於進勦事宜容臣相機調度另疏具臣題所有
動支錢糧給發本省官兵行月糧餉并借給楚省
餉銀臣謹會同署理江南江西總督印務安徽撫
臣楊素蘊合詞密疏題 報伏乞
皇上睿鑒施行

支給行糧疏

二十七年六月
二十九日上

據江西布政司布政使王業興詳稱奉署理總督

江南江西事務安徽楊巡撫票開照得楚省裁兵
偶爾猖獗本督院現在調發潯協省鎮官兵前往
撲勦然師行必須糧從所有應用行月糧餉合行
查照往例給發備票行司卽將潯協省鎮出師官
兵應需行月餉米會同糧道查照往例就近給發
以足兵食等因奉此該本司查得從前出師官兵
例於俸餉月米之外支給行糧廩給鹽菜銀兩以
及粳粟二米查俸餉月米二項現有奉部撥給錢
糧米石可以按款支給無庸置議外今查潯協省
鎮官兵調征楚省奉督院檄行所有應用行月糧

餉合行查照往例給發但兵馬錢糧各有項款雖
師行糧從勢所必需而該協鎮出師官兵應需廩
給鹽菜與夫粳粟二米現今無有項款可以查給
已於本年六月十八日詳請督部院懇將潯協省
鎮出師官兵應支廩鹽銀兩以及粳粟二米亟賜
題請聽部撥給何項錢糧至日以便遵照支放其
支給銀米似應於到楚之日方可開支但應否就
近於楚省支給抑或仍於江省支領報銷併請賜
咨內部核奪示覆等因在案今奉前因合就詳明
本院俯賜一并 題請聽候內部示覆遵行呈詳

到臣據此該臣看得楚省督標裁兵叛變黃蘄失陷前經署理總督印務安徽撫臣楊素蘊檄令九江營副將王昶遣發官兵赴援隨經該將會同臣標遊擊陳化龍委令右營守備汪應超統領撫鎮九江等標營官兵先後共五百五十餘員名前赴蘄州進剿惟是師行糧從前臣舟抵江境據該將等會詳請給行糧月餉當經諭令湖口縣動支本年地丁銀一千兩委令分巡饒九南道僉事朱尚隆齎領赴潯以應急需經臣會疏題報在案今據布政使王業興詳稱出師官兵例於俸餉月米之外支給行糧廩給鹽菜銀兩以及粳粟二米查俸餉月米奉有部撥可以按款支給行糧銀米無有項款并應否於到楚之日開支就近於楚省支領抑或仍於江省支給報銷詳請具題前來臣

查楚省黃州等處為賊竊踞未經恢復前黃州副

將阮述尚請借支糧餉則楚省無項可給自應仍在江省支給報銷相應題請勅部議撥何項錢

糧以便遵照動支俾赴楚官兵得資飽騰而勦禦

督河臣王新命合詞密疏具題伏乞

皇上睿鑒勅部議覆施行

擒誅叛逆疏

二十七年七月初一日上

竊臣荷

皇上特簡巡撫江西於江南途次聞楚省兵譁告

警與江省接壤亟需防禦臣念切封疆星夜兼程

前進於六月十九日抵署受事業經題報在案

一切防勦機宜無不悉心籌畫次第舉行當據鄰

楚各府州縣紛紛具詳稱境內裁兵實繁有徒恐

乘間煽亂請兵防禦遂嚴飭各屬加意防範臣仍

不時稽察於六月二十九日午時據標中軍遊

西陂類稿

卷三十二

七

擊詹英引領旗牌羅魁密稟有乾子伍紹係宜黃

人來省看親有店家呂瑞伯向言聞有督標裁兵

勾連匪類謀為不軌事關叛逆相應密稟又准南

昌鎮臣陳平差功加守備許祿稟同前情隨密拘

店家呂瑞伯到臣親審據供小的係開歇店的人

聞得裁兵李美玉袁大相二人為首勾連幾千人

目下就要作反故此小的對伍紹說知詰你為何

知道李美玉袁大相謀叛想你也是同謀的人了

供小的若是同謀的怎肯對伍紹說詰你為何自

己不出首呢供小的是小民不敢到老爺衙門出

首小的曉得伍紹的乾老子是老爺衙門旗牌故此對他說叫他來稟報老爺等語臣隨差原任南昌鎮標丁憂候補遊擊趙永吉親身密捕於本日申時據擒獲李美玉袁大相二人到臣當發在省司道會審據按察司詳稱蒙發叛犯李美玉袁大相到司隨會同司道在公所會審問李美玉袁大相你們是甚麼人敢謀爲不軌供小的二人原是督標裁汰的兵並沒有謀爲不軌的事詰現有出首的呂瑞伯在此你還敢假說麼隨傳呂瑞伯面質又據李美玉袁大相合供小的們實說了罷原

是小的二人起的意聞得湖廣裁兵爲亂小的就要舉事破了江西好去湖廣合夥故此勾連原日裁兵有三千多人有八百有器械的有幾千沒有器械并遊手好閒的有一二千打算七月初間逢各官上衙門的日子先拏了這些官然後劫倉庫好往湖廣去不想被人出首詰你把同謀作叛做頭目的姓名速供來供這事原是小的小的二人起的念頭就是小的二人號召各處裁兵彼此連結的各處的人尚沒聚齊還沒有定頭目詰你二人謀算怎麼樣聚齊這些人呢供各人散一箇帖子底

下一箇酉字爲號上面紙空了他自己填名字又各穿白衣爲號放砲聚齊是實又詰李美玉袁大相這呂瑞伯可是你們同夥的麼供呂瑞伯並不
是同夥的各供吐在案當在李美玉袁大相身邊搜出酉字帖子二張附卷據此該本司按察使孫
蘭會同布政使王業興督糧道叅政吳延貴護理驛鹽道印務南昌府知府張士佺督學道僉事邵
延齡都使司俞承都會審看得楚省裁兵作亂自
本院莅任之日卽奉嚴飭省會外郡稽察奸宄固
守封疆以消異萌不意有原督標裁兵李美玉袁
西陂類稿卷三十二 九
大相乘機謀叛輒敢勾結各處裁兵以暨匪類約
計數千意欲於七月初旬放砲聚集暗散酉字紙
帖白衣爲號以各官上衙門之日舉行不軌幸本
院旗牌羅魁聞風於店戶呂瑞伯出首而逆謀敗
露奉委丁憂候補趙遊擊手擒李袁二犯發司會
審之下不待刑訊直吐真情惟是楚省叛變人心
風鶴而江省奸宄思欲效尤倡亂法實難追相應
詳解本院親審先行正法以正人心俯賜 題報
施行等因詳解到 臣經 臣會同南昌鎮臣陳平傳
集各司道覆加研審各犯供吐與前無異該 臣看

得叛犯李美玉袁大相係原督標之裁兵也乘湖
廣叛變暗勾匪類謀爲不軌經臣旗牌羅魁乾子
伍紹聞店戶呂瑞伯之言首報臣標中軍遊擊詹
英引領密報又准鎮臣陳平差功加守備許祿密
稟臣思擒捕叛犯非謀略出衆者恐致洩露免脫
釀成大患查原任南昌鎮標丁憂候補遊擊趙永
吉智勇兼全遂差密拏李美玉袁大相到臣卽發
司道會審詳解前來臣覆加親審據供勾連羽黨
約共三千多人佈散酉字紙帖身穿白衣爲號意
圖本年七月初間捉拏各官搶劫倉庫赴湖廣合
西陂類稿卷三十一

十

夥歷審供吐情真誠堪髮指至所稱黨羽未經指
實應免深求但江省界連楚地人心風鶴若不亟
正典刑無以震懾奸黨之心且恐日久變生爲害
匪輕臣於會訊之後謹請

王命將李美玉袁大相押赴市曹正法以慰人心
以安反側事關裁兵謀叛幸藉

皇上洪福敗露消弭合應 題報至七月初一日

乃停刑之期例不應處決但關係闔省安危不便
緩待合并聲明臣謹會同南昌鎮臣陳平合詞密

疏具 題伏乞

皇上睿鑒施行

發兵防守疏

二十七年七月初六日上

該_臣看得江省界連楚境在在需兵防守然切近最緊要者無如南昌所屬之寧州銅鼓界聯湖廣平江崇陽等處武寧界聯湖廣興國等處靖安界聯寧州茅竹山地方查寧州銅鼓營止有額兵二百名武寧營止有額兵一百八十名靖安縣原係南昌鎮標撥防兵丁九十五名前因楚省兵叛經南昌鎮臣陳平撥發千總一員把總一員帶兵一百五十名前往寧州貼防又撥千總一員帶兵一

西陂類稿

卷三十一

十一

百名前往武寧貼防又撥百總一員帶兵二十名前往靖安貼防在案_臣接准部咨尤恐各處兵力單薄復面商省鎮臣陳平將抽調撫建廣各營之兵再行添撥以防逆賊敗遁查拏勦滅當准鎮臣陳平咨開檄令建昌營千總洪玉帶兵一百名添防寧州令前撥千總黃善把總劉高帶兵一百五十名同銅鼓營把總王國柱帶兵前往銅鼓之礮頭崇鄉各隘分防檄令撫州營把總洪章帶兵五十名添防銅鼓城池檄行廣信營把總文玉帶兵一百名添防武寧縣同前撥千總廖瑞廣帶兵一

百名於楚界牛屎嶺地方駐劄等因前來是寧州武寧鄰楚地方雖疊次添兵防禦尚屬兵單但江省處處環山需兵防守又不便多爲調撥以滋內患至袁州府雖與湖南連界而萬載縣密邇瀏陽山僻小徑直達湖北該屬亦係緊要屢據該府縣疊詳請兵防守堵勦臣思各處實無兵可調不得已將前題調南贛各標營官兵之內撥發三百名前往袁屬協防以資勦禦所有江省界連楚省地方前後撥兵防守情由臣謹會同署理江南江西總督事務總督河臣王新命南昌鎮臣陳平合詞西陂類稿卷三十二

十一

密疏 題報伏乞

皇上睿鑒施行

預備軍需疏

二十七年七月初六日上

據江西布政司布政使王業興詳稱奉巡撫江西右副都御史宋牌開康熙二十七年六月初六日大學士准兵部咨開康熙二十七年六月初六日大學士伊桑阿尚書阿蘭泰紀爾塔布侍郎禪布覺羅舜拜奉

上諭楚省督標裁兵在武昌作亂雖無妨於事應速發就近地方兵丁勦除著都統瓦岱馳驛速赴

江南調取江南京口滿洲漢軍綠旗兵丁船隻水陸並進速行勦滅總河王新命著馳驛速赴江寧署理江南江西兩省事務令各防守地方左都御史馬齊著署理總河事務今湖北巡撫不知下落將湖南巡撫丁思孔授爲湖北巡撫著馳驛速赴荊州料理錢糧事務防守地方其湖北巡撫印信速行鑄造送去至襄陽南陽俱係要地總兵官蔡元曾在行間多有勞績且原在襄陽日久著馳驛速赴襄陽管轄兵丁看守地方著兵部司官一員速往登州看蔡元起程蔡元前去之時照依所帶

之人多給驛馬太原滿洲官兵應酌撥速發南陽駐防如再另有可議之處著議政王貝勒大臣會同一併議奏欽此該議政王等會題前事康熙二十七年六月初六日題本日奉

旨已渾德補授荊州將軍尚未到任不能認識官兵停其前往荊州著同瓦岱前往會商而行副都統希福著用荊州將軍印同阿濟里帶領荊州兵丁與提督徐治都之兵前往武昌勦撫將軍噶爾漢著鎮守荊州瓦岱等速赴江寧到日將軍博濟同副都統烏黑帶兵進勦副都統穆成格著鎮守

江寧京口官兵船隻速行前往江寧等候瓦岱等
瓦岱著給振武將軍印勅書後寫趕送瓦岱等至
江寧將督標火器營兵丁酌量揀選數百帶去餘
依議欽此爲此合咨前去欽遵查照施行計黏單
一紙等因到院准此備牌到司奉此并奉黏單內
開該臣等會議得湖廣督標所裁兵丁在武昌作
亂大干法紀應速遣發將軍兵丁勦除不致滋蔓
調發江南京口滿洲漢軍綠旗兵丁船隻進勦等
處

上諭周詳應令都統瓦岱馳驛速赴江南挑選江
西陂類稿

卷三十一

十四

寧副都統烏黑穆成格八旗兵丁二千名前鋒兵
丁二百名京口副都統張思恭漢軍兵丁一千名
水師總兵官陳奇綠旗兵丁一千名由水路所去
兵丁約帶戰船水陸兩路急行前去作速勦滅其
瓦岱統領全師勦殺賊寇應給將軍印信給何將
軍印信之處伏候 上奪荊州將軍巴渾德亦令
馳驛速赴荊州與副都統阿濟里將荊州兵丁帶
領一半進勦武昌會同將軍瓦岱之兵兩路夾攻
勦除至湖廣提督徐治都將常德等處固守酌量
遣發官兵會同將軍侯巴渾德等合力勦滅令噶

爾漢希福看守荊州等處俟滅賊之日將伊等退回之處嚴加查議行文江西河南等省撫提等各行防守邊境地方如叛賊被大兵勦殺急迫有敗遁者查拏勦滅總督王新命左都御史馬齊巡撫丁思孔總兵官蔡元等遵奉

上諭速赴各指之處太原城守尉覺羅喇喀帶領三百兵丁速赴河南南陽駐防至武昌出來遊擊馬駿聲知縣馬雲會等既稱願隨大兵行走應令其隨大兵行走荊州兵餉行文河南布政使田啓光將河南省現貯庫錢糧內動支十萬兩以文到

西陲類稿

卷三十二

五

揀選官兵作速固解文送湖廣巡撫丁思孔江寧京口兵餉行文安徽巡撫將現貯庫錢糧內動支十萬兩支給其太原兵丁駐防河南南陽府應行文河南布政使田啓光將河南省現貯庫錢糧內動支一萬兩支給可也等因奉此又奉本院牌行一件軍務事內開案據九江府呈詳楚省叛變滿漢大兵至日必須用槽鑷鍋桶以及土水緯夫乘運船隻并應支糧料作何預備緣由已經批行該司會同驛鹽道作速查議詳奪去後今准兵部咨

開奉

上諭撥發江南京口滿漢官兵進勦路由九江經過需用糧料等項刻難遲緩合亟飛催仰司卽將江南京口滿漢官兵經過九江進勦需用糧料繆夫等項該司星速會同驛鹽道預先計議妥確卽刻詳報以憑批奪事關軍機毋得遲悞火速火速各等因到司奉此除夫船應俟驛道查議另詳批奪外該本司查得大兵進勦需用糧料以及槽鑷鍋桶各項例應動支錢糧備辦以供急需其採買供應各數俟於報銷軍需案內造冊同取獲清字檔領送部核銷此歷來應付軍供之定例也今楚西陲類稿

卷三十二

六

省督標裁兵叛變奉

上諭撥發滿漢大兵進勦路經潯陽所需米糧料草槽鑷鍋桶等項當預備應付自應照例行令九江府於該屬本年地丁新裁銀內動支備辦俟大兵一至卽行供應第該屬二十七年錢糧值此青黃不接之候誠恐供應不敷有悞急需相應詳請於附近之饒州南康二府屬各動支二十七年地丁銀一千兩協濟速行委官解赴九江府交收一同備應并取具清字檔領造冊詳報核銷但事關動支本年正項錢糧備應緊急軍需合就詳請本

院俯賜會疏 題報以便日後彙冊報部核銷施

行等因呈詳到臣據此除需用夫船前據驛鹽道

詳議已經咨明兵部外該臣看得楚省裁兵叛變

奉發大兵進剿經過地方一切糧料槽鑷鍋桶等

項爲軍供之所必需前據九江府詳請應動何項

錢糧買備應付臣隨批令布政司會同確議去後

今據布政使王業興詳稱大兵進剿所需米糧料

草槽鑷鍋桶等項例動錢糧備辦今勦楚大兵路

經潯陽自應行令九江府於該屬本年地丁新裁

銀內動支備辦但值茲青黃不接之候誠恐供應

西陂類稿 卷三十二

七

不敷有悞急需相應於附近之饒州南康二府屬

各動支二十七年地丁銀一千兩協濟速行委官

解赴九江府交收一同備應取具檔領以便日後

彙冊報部核銷等因前來臣以軍供關係緊要未

敢緩視除行藩司將饒州南康二府屬康熙二十

七年地丁錢糧銀內各動一千兩解赴九江府協

濟預備應付外所有動撥饒州南康二府地丁銀

兩數目協濟應付緣由相應 題報臣謹會同署

理江南江西總督事務總督河臣王新命合詞具

題伏乞

皇上睿鑒勅部議覆施行

題補遊擊疏

二十七年七月初六日上

該_臣看得中軍一官有綜核錢糧訓練兵馬之責必得才幹優長曉暢軍機之員始克勝任况值鄰封告警在在戒嚴尤需能員料理今准南昌鎮臣陳平咨中軍遊擊徐國佐累月臥病職守曠廢查有原任鎮標丁憂候補遊擊趙永吉歷練營伍才技優長雖經丁憂查_{新例}已奉部行叅將以下仍留在任守制以之委補實為駕輕就熟等因前來_臣查江省密邇楚境茲當叛兵告警操練兵馬

西陲類稿

卷三十二

六

分守防禦稽察奸宄需員孔亟今鎮標中軍遊擊徐國佐患病已久不能料理業經鎮臣陳平咨報署兩江總督事務河臣王新命_{題報}所遺員缺自應聽候部銓但今鄰封多事中軍為闔鎮綱領刻難乏員今准鎮臣陳平咨移_臣念封疆事大已暫委候補遊擊趙永吉署理調度兵馬晝夜親身巡防除咨達督臣外相應具疏保_{題仰}請

皇上勅部將趙永吉補授南昌鎮標中軍遊擊員缺使該將得以殫心營務保固疆圉所全甚大江右雖非邊疆無保_題之例但今正值用兵_臣從

封疆起見冒昧

題請合併聲明

臣謹會同署理

江南江西總督事務總督河臣王新命南昌鎮臣

陳平合詞密疏具

題伏乞

皇上睿鑒勅部議覆補授施行

條議賈稅疏

二十七年十一月二十日上

該臣看得贛州府全書額編賈稅入門稅橋稅三項未設部司以前俱係通判經收分解橋稅銀兩在於過橋商貨內抽收其賈稅銀一百八十四兩一錢九分脚耗銀五兩一錢五分七釐三毫二絲原與入門銀稅三百八十二兩五錢三分二毫總在進城客貨內每兩抽銀二分以之分款起解是賈稅與入門稅起解雖各有款目而徵收實屬一項也迨後奉

旨專差部司監督

勅書開載止有橋稅門稅二

項未將賈稅開入所以向來監督部司止按橋稅門稅之額報解考核遂致賈稅一項懸款無著在知府考成攸關不無賠墊之苦乃於康熙十四年前任革職已故知府萬文麟朦混創議將郡城內外一切貨物凡贛關徵收入門稅一兩者另徵賈稅二錢詳定抽收從此一門兩稅一貨兩徵之弊

起以致商人貨物既赴贛關報納門稅又必守候該府盤驗重納賈稅不但官得藉以橫徵而委收胥役復得借查貨而勒索種種害商流弊至今臣莅任以來誠恐民隱難周聞見未悉首以地方利弊徧行諮詢據分巡贛南道僉事鍾有德將此賈稅一項實屬商民受困情由詳請具題歸併監督部司徵解臣隨批令布政司查議去後今據署布政司事陞任督糧道叅政吳延貴詳稱此項賈稅從前實與入門稅銀竝徵分解門稅既已歸併關徵則賈稅亦應歸併在當日改歸關徵之初內

西陂類稿

卷三十一

二

部止知有橋稅門稅之名而未悉賈稅在內以致勅書未載今一稅兩徵實爲累商大弊詳請具題改併贛關悉聽部司徵解報部考核除去知府考成等因併又移准監督贛關稅務臣盛符升移覆賈稅既係原於門稅每兩抽銀二分內分款起解應從所議以恤商民等因前來臣查門稅賈稅俱屬朝廷錢糧如歸併關徵而有虧國課臣何敢冒瀆宸聰惟是一經歸併於國課分毫無損而商民十餘年之積困可以頓蘇臣又何敢因循緘默伏讀康熙二十六年五月初三日

恩詔內開凡直省地方有見行事例不便於民者許各該督撫詳察開列具題該部酌量更正等因欽遵在案茲贛州府賈稅重徵一項實屬不便於民伏乞

皇上俯賜睿鑒將此賈稅歸併贛關勅部載入勅書一併徵解每年悉聽部司報部考核除去知府考成永遠遵守則商民獲免一貨兩徵之重困咸戴

皇仁於無疆矣相應具題聽候部議

臣謹會同

江南江西督臣傅臘塔合詞具題伏乞

西陂類稿

卷三十二

三

皇上睿鑒勅部議覆施行

條議採買竹木疏

二十七年十月二十日上

該臣看得江右地瘠民貧自經兵燹之後閭閻彫敝已極

臣荷

皇上特簡叨膺巡撫重任亟思興利除弊以期民安物阜今據署布政司事陞任督糧道叅政吳延貴詳稱江省每年奉文採買紫竹一百一十六根貓竹四千五百根楠檀木六十根內惟康熙二十三年初次採買楠檀木已奉部文撥給價值其餘節年採買竹木向來以部文未有准動錢糧之語

俱係分派各屬捐解如紫竹則取給於饒州府屬
貓竹則通派於闔省州縣楠檀木則係南康九江
二府輪流捐解名雖官捐其實累民議動正項採
買委員運解請 題前來 臣細繹原奉部文雖未
開有撥給錢糧字樣而於初次採買楠檀木部文
之內已有價值行令地方官撥給毋得濫派小民
等語開載甚明且既曰採買自應給與價值卽無
撥給錢糧字樣承辦各官自應具文請明部示准
給價值方不擾民何得輒以捐解爲名致貽民間
歷年重困此皆以前各官奉行不善之咎也伏讀

西陂類稿 卷三十二

三

康熙二十六年五月初三日

恩詔內開一直省地方有見行事例不便於民者
各該督撫詳察開列具題該部確議酌量更正等
因欽遵在案江右採買竹木一項名雖各官捐解
實屬累民事之最不便於民者 臣亦何敢緘默伏

乞

皇上睿鑒勅部嗣後採買竹木准令動支正項錢
糧解運報銷併請 天語嚴飭經收人員毋得借
端措勒吹求則全省之民得免重累咸沐

皇仁於萬世矣 臣謹會同江南江西督臣傅臘塔

合詞具將題伏乞
皇上睿鑒勅部議覆施行

請給解犯口糧疏

二十七年十二月初二日上

該^臣看得江省在監罪犯久沐

皇恩設立囚糧於常平倉內支給獲免瘦斃甚盛典也惟各省遞解人犯向未給有口糧長途饑餓在所難免復蒙 聖慈矜惻於康熙二十六年五月初三日恭奉

恩詔內開凡解部及遞解外省各項犯人沿途口食不敷困於饑餓者可憫應按程給與口糧勿致

西陂類稿

卷三十二

三

餓斃其有解役將犯人恣意凌虐指勒拷打及教唆人犯沿途搶奪擾害良民者應作何治罪該部嚴議定例具奏欽此隨經刑部等衙門會議題覆奉

旨依議欽遵通行在案江右路當孔道解部及遞解各項人犯絡繹不絕自應欽遵 詔旨按程給與口糧因未奉有部文應動何項糧米支給沿途各地方官尚未舉行事關動用錢糧例應具疏題請伏乞

皇上勅部查議或照囚糧之例亦在常平倉內支

給統於年終報銷計日按程或照律例日行五十里爲一程每犯一名日給米一升道里遠者逐程加給其有阻風患病者該地方官察驗明確按日加給嚴禁不許託故逗遛違者將解役治罪仍令各該督撫二臣於起解入犯咨牌內開明每名日給口糧俾經過各地方官遵照按程支給抄牌報銷庶動用有額設之款項支給有一定之數目而解犯得霑實惠可免饑寒沿途亦不致有擾害良民之患矣茲據按察使吳延貴具詳前來臣謹會同江南京西督臣傅臘塔合詞具題伏乞

西陵類稿

卷三十一

十四

皇上睿鑒勅部議覆施行

請緩徵兵糧疏

二十八年正月十九日上

該臣看得額徵本色兵米向與兵餉錢糧一例四

月完半九月全完有司恐悞考成按期徵比不敢

稍緩四月應完一半之米江省地瘠民貧蓋藏絕

少四月種苗之際何能有米輸將小民迫於追呼

勢必稱貸以應不特入城候比貽悞農務且恐加

利揭債重費民財臣幾經籌思必得變通之法始

可紓民力而重農功茲據督糧道叅政鮑復昌詳

稱江省綠旗馬步戰守兵丁共一萬五千名額支

本色兵米五萬四千石以本年十三箇月計之應支兵米五萬八千五百石查各州縣併省倉共現貯米八萬九百八十五石七斗九升零儘支一年兵米尚有留餘請將康熙二十八年分本色兵米四月完半之例寬至九月一併徵完以備下年支放前來臣查節年存倉兵米原奉部文放舊存新係先應支放之米除儘支本年兵米之外尚存剩米二萬二千四百八十五石七斗九升零則於康熙二十八年四月完半之例自可寬至九月秋成之時一併徵完留備下年支放將來俱可寬至九月

西陂類稿

卷三十一

三

月全徵兵米既已裕如小民又易輸納且查各項錢糧考成定例歲內全完者概得議敘既遵放舊存新之部文又不致違歲內全完議敘之定例一轉移間東作之時小民永免追呼之擾得以盡力南畝而倉米不致久貯亦無浥爛耗折之虞兵丁得以常支新米用資飽騰矣我

皇上軫念民瘼首重農事臣敢冒昧上陳仰祈

俞允永著爲例江省之民咸沐聖澤於萬世矣

臣謹會同江南江西督臣傅臘塔合詞具題伏

乞

皇上睿鑒勅部議覆施行

特糾貪恣監司疏

二十八年三月初一日上

竊惟綏安兆姓首在除貪懲創劣員尤嚴大吏以其爲各屬之表率也臣蒙

皇上特簡隆恩叨膺巡撫重任惟有潔己率屬釐弊除貪凡江右向來一切積弊盡已革除至若徵解漕糧尤爲弊藪於去年徵漕之日卽將陋弊嚴檄禁革臣自受事以來已將貪污守令先後糾參至於監司一官尤應守法持廉俾屬員知所則倣每與同城司道諄切告誡共相砥礪務期弊絕風清民生暢遂以仰副我

西陲類稿

卷三十二

三

皇上愛養元元至意乃督糧道叅政鮑復昌於去年十一月內到任見臣盡革諸弊未遂貪心多方

苛求各屬竟思更變成法抗禁妄行臣屢次面加

詰責復又嚴檄申飭令其自勵廉隅孰意復昌弁

髦法紀恣肆貪婪仍向屬員勒索陋規臣正在密

訪糾叅間據新建縣知縣李郁詳爲據實首明以

遵臣功令以盡職守事竊照漕糧一項上關臣國

課下悉民膏卑職自莅任以來仰遵臣功令照額

徵收不敢顆粒稍盈以自干罪戾久在洞鑒之中

康熙二十七年分漕糧徵收解給遵限無悞本年
二月二十一日鮑糧道突傳面諭指稱漕費勒索
銀一百二十兩卑職微員下吏慘受威制不得已
而竭力措辦著家人李文轉付號吏熊三燦繳進
因念當此功令森嚴無弊不革之候若不及時
舉首必致後辦莫及合行據實首明等情又據南
昌縣知縣葉如桂揭爲糧道勒索陋規微員萬難
措應不得不據實申報哀籲拯救事切卑職瑣末
微員凜畏功令冰兢自持惟虞隕越凡徵收漕
米俱用較準官斛令里民自行執盪平量交納上

西陂類稿

卷三十二

七

倉其分升照由單開載除給軍三分三升之外不
敢絲毫濫收一切陋規盡行痛革此萬耳萬目所
共聞共見者也幸漕務告竣獲免愆尤不意鮑糧
道向南新二縣勒索陋規傳卑職面諭著交銀二
百兩卑職囊橐蕭然萬難措應屢催交送再四哀
懇未蒙寬免致犯糧道之威恐蹈不測之禍值各
院法紀霜嚴事關迫切情難隱忍不得不申報恩
賜主裁亟施拯救則屬員下吏銜結靡涯矣各等
情到臣又廉訪得泰和縣知縣張尚善於本年
正月內赴省時復昌勒索漕規銀二百兩係尚善

親文有道蠹東房鍾祥生號吏熊三燦知情可審
今據布政司布政使多弘安按察司按察使吳延
貴南昌府知府張士佺吉安府知府羅京各轉詳
具揭前來與臣所訪無異似此貪贓劣員若不亟
行糾參則各屬聞風效尤其爲民害可勝言哉所
當照貪例糾參請

旨革職與有名蠹役一併提問究擬者也至泰和
縣知縣張尚善雖被上司逼勒但行賄不報咎亦
難逭合併指參聽候部議臣謹會同江南江西督
臣傅臘塔總督漕臣馬世濟合詞具疏 題參伏

西陂類稿

卷三十二

三

皇上睿鑒勅部議處施行

西陂類稿卷三十二終

曾孫齊保校字

西陂類稿卷三十三

商丘宋犖牧仲

奏疏二

賠造漕船寬限疏

二十八年閏三月二十日上

該_臣看得賠造船隻部覆行_臣將遲延情由查明

題叅_臣自准部咨就經檄行督糧道遵照去後今

據布政司布政使帶理督糧道事多弘安詳稱未

賠造船二十五隻內九江衛船五隻廣信所船一

十五隻鉛山所船五隻實因康熙十五年大兵進

勦排搭浮橋多被損壞與康熙二十二年江西尾

西陂類稿

卷三十三

一

幫漕船凍阻宿遷河凌擦損奉文責令賠造因各

衛所運丁逃絕過多無從僉造今奉查取遲延情

由題叅行據各軍廳僉稱自甲寅變亂以來軍

丁逃絕見存寥寥形同乞丐百法搜僉止報明賠

船三隻其餘萬難一時賠補咸請寬緩前來_臣思

漕船關係緊要自當嚴行提補以資輓運何敢擅

議寬期但江右屯丁素稱疲敝况自甲寅叛亂之

後殺戮逃亡十存二三每遇造運而勞苦掣肘之

狀不忍見聞如不速為軫恤恐將來勢不能支是

以檄令各屬一面清查屯田一面招徠開墾第逃

絕過多一時未能頓甦其賠造各船遲延緣由臣
備細確查委係無丁可僉實非各官敢於怠緩臣
身在地方目擊屯丁疲困情形不得不仰懇

皇上俯念江右屯丁逃亡過半責令一時盡數賠

造實屬萬難臣勅部暫行寬期二年容臣嚴督各

官多方招集陸續賠補足數則漕既無悞軍困亦

甦至此案遲延之前任叅劾糧道鮑復昌已經臣

題叅在案合併臣題明臣謹具疏伏乞

皇上睿鑒勅部議覆施行

請察道府錢糧疏二十八年四月初九日上

西坡類稿卷三十三 二

該臣看得藩庫為通省錢糧總匯稽查最宜嚴密

今於每年奏銷之時奉有

俞旨令巡撫親身察盤保題州縣錢糧責成知

府查報可謂既嚴且密誠為萬世遵守良法惟是

糧驛二道各有經收支放庫貯錢糧既不在於藩

庫之內為巡撫察盤所不及而在各府庫內亦有

收貯錢糧似應一併清釐庶幾侵那虧空之弊可

以永杜於將來宜將糧驛二道庫貯錢糧於每年

奏銷之時及二道離任之日責成藩司親身察盤

如有虧空立行呈報巡撫題叅至各府庫貯錢

糧責成該管各道察盤轉報如無道員管轄之府
委令鄰近道員察盤則凡屬庫貯錢糧衙門各有
專司稽察之員倘或徇隱照例處分自可永杜侵
那虧空之弊矣臣從清釐庫貯錢糧起見謹具疏
題請伏乞

皇上睿鑒勅部議覆施行

更正全書疏

二十八年四月十六日上

該臣看得新編全書奉

旨發與各巡撫會同經管錢糧司道官員詳察細

閱有無應行更改增刪務期永遠可行明白確議

西陲類稿

卷三十三

三

毋得彼此瞻顧各行具題欽此仰見我

皇上仁愛深遠睿慮周詳惟恐編輯稍有未當不

無累民臣欽遵

特旨隨卽檄行布政司會同司道將各經管錢糧

務必按款磨核因革允當如有應行更改增刪之

處各抒所見確查妥議去後今據布政使多弘安

按察使吳延貴帶理督糧道印務布政使多弘安

驛鹽道副使張四教兼攝饒九南道事驛鹽道副

使張四教分巡贛南道僉事鍾有德提學道僉事

邵延齡都司俞承都會議詳覆前來臣查新編全

書其中刪繁就簡無不入目瞭然固已至明且切
毋容擬議矣惟起運存留二條項下內有應歸起
運而新書編入存留者又有應歸存留而載入起
運者亦有應行刪除而起運銀內未經減除者如
奉裁各大使俸食與停給歲貢盤纏久已奉文歸
入丁地徵解今新書編入存留又茶芽扛解銀兩
已准復給今新書編入起運至於新增商稅銀兩
已奉

恩詔蠲免今仍未刪除此起存項下之應更應刪
也若夫起運錢糧內有本折丁地正脚款項其額

西陂類稿

卷三十三

四

數各有不同徵解各有先後似應照依漕項用小
註列明以清款項再查二年一辦之府歲貢酒禮
旗匾花紅與州縣歲貢酒禮等銀細閱新書似乎
將額銀裁去一半然支給數目未有明示至於三
年一辦科舉椅桌銀兩原額三千八百八十兩一
錢零從前以三年之銀留爲一年支用迨後奉文
裁解每於鄉試之年止准半留銀一千九百四十
兩零向來支用不敷悉係各官捐湊臣恐名雖官
捐其實不無累民况三年一試大典攸關我
皇上尊道崇儒遠邁古帝卽需費浩繁亦屬求賢

盛舉今若以半留之銀編爲定額將來支用不敷勢必議捐似未可以經久而無弊也

臣

請以半裁

之銀照數全留編給以襄盛舉又進舉牌坊文武舉人水手等款查康熙二十七年准部文內開嗣後每年帶辦銀兩照全書刊載歸入起運如遇鄉試之年照數動給今新書登入三年一辦之下似乎鄉試之年止動本年銀兩其二年所徵之銀應否裁解未有明示似應指出以便遵照又驛站錢糧內有鋪兵一項江西通省原編二千九百九十九名每名每日工食二分今除裁減外止存鋪兵二千四百六十六名因限於存六之數故於均勻冊內每名每日僅議編銀一分五釐然鋪兵一役奔走傳遞無分日夜實爲最苦若止給一分五釐則供一人之衣食尚苦不足何能顧其室家

臣請

照舊復給工食二分計每名每日增工食銀五釐

歲增銀一兩八錢通計增銀四千四百三十八兩

八錢遇閏加增銀三百六十九兩九錢於驛站原

額之內留給均於各州縣起運銀內開銷併請於

凡例內備晰登列以垂永久至於漕糧一項尤爲

天庾重稽查江西有漕各州縣相距會城俱自數

百里以至千里山河小溪輓運艱難動需匝月方
得到次運解有雇船募夫之煩交兌有曬颺贈耗
之費故賦役舊書編載脚耗米同正米副米兵米
一體編入畝則徵收支給以資運解盤剝等項之
用今新書將額編脚耗米內止留贈耗編入起運
下支給外餘米悉歸存米候撥兵糧是各屬旣無
額款雇募夫船輓運又不能神輸鬼運欲使漕糧
無悞不可得矣臣請於應存米內照數扣出併入
起運另立脚耗一條米數庶各屬輓運有資不致
累民又靖安上高等一十九縣原因民收民兌不
西坡類稿

勝煩苦願出津貼官徵官解故於條編正額之外
復有附載耗費米以爲雇募夫船等用今各縣附
載耗費米石新書內有照依舊書編徵者如清江
新喻新淦廬陵吉安福臨川金谿崇仁等九縣
是矣有雖編徵又併入存米之內者如上饒玉山
廣永豐弋陽興安贛縣寧都等七縣是矣再如靖
安上高鉛山三縣則又並未編徵以上各縣內除
贛寧二縣漕糧留給虔鎮兵米不須遠運其耗費
米石應遵存撥兵糧外其餘槩請於應存米內扣
出歸入起運與未編者一例編入另立耗費米數

一條以歸漕項支用再查兵米折銀一萬三百六十八兩原係湊抵造船料價之用又餘米折銀五千六百五十九兩六錢四分一釐零因屯糧倉米荒缺過多漕運支用不敷之數卽於此內動支此皆漕項急需故舊書刊載在案今新書概入應存米內候撥兵糧則將來濟造濟運不無缺少仍請於應存米內照數扣出另列一條濟造濟運銀米數目以濟漕運又學田項下會昌安遠二縣學租銀一十一兩七錢四分舊書載入存留聽學道支用至康熙十七年以來已經裁解克餉今會昌安

兩計共六員應支俸銀六百六十兩今新書少編銀一百二十五兩應請添入并請將世職俸銀照舊編入起運項下動支則支給有款報銷亦清至若贛州府賈稅一項尤當亟請更正以垂永遠臣查該府賈稅額載銀一百八十四兩一錢九分脚耗銀五兩一錢五分七釐三毫二絲未設部司以前俱係通判徵收原與入門稅銀總在進城客貨之內每兩抽銀二分以之分款起解是賈稅與入門稅起解雖有款目而徵收實屬一項自奉

旨專差部司監督 勅書開載止有橋稅門稅二

西陂類稿

卷三十三

八

項未將賈稅字樣開入所以向來監督部司止按橋稅門稅之額報解考核遂致賈稅一項懸款無著至康熙十四年前任革職已故知府萬文麟朦混創議將郡城內外一切貨物凡贛關徵收入門稅一兩者另徵賈稅二錢從此一門兩稅一貨兩徵以致商人既赴贛關報納門稅又必守候該府盤驗重納賈稅臣莅任之初卽已諮訪確實具疏題請將此項賈稅改併關徵除去知府考成而部覆以地方官徵收年久故未允從致今新書內仍行編入臣思國課錢糧必原其賦之所自出然

後因地制宜酌古準今垂諸萬世而無弊也若贛州府賈稅從前實與門稅竝徵分解今贛關既徵門稅府官復徵賈稅一貨兩徵欲其不病於商難矣臣身任地方知之最確况蒙

特旨諄切臣又何敢瞻顧不言以蹈溺職之愆仰

懇

皇上勅部俯准照臣舊議將此賈稅歸併贛關徵

解載入外勅書每年悉聽部司報部考核除去知

府考成一轉移間毫無虧於國課實有裨於商

民誠為萬世不易之章程矣其餘核算數目間有

西陲類稿

卷三十三

九

參差及應行更改與請增請刪并應分晰登註處所因款項繁冗難以殫述除照式抄謄新書黏簽送部查核外相應具題聽候部議再照此案扣算封印日期尚未違限合併題明臣謹具題伏乞

皇上睿鑒勅部議覆施行

寧州等州縣衛秋災請蠲疏

二十八年十月二十六日上

該臣看得江西省寧州新建等四十一州縣康熙

二十八年秋被旱災情形經臣會疏題報并批

該司委令各府正單騎確勘遵限造冊具結詳報

毋得朦混捏報去後今據布政使王樑詳稱除吉安府屬之萬安撫州府屬之臨川金谿崇仁宜黃樂安東鄉廣信府屬之鉛山弋陽貴溪九江府屬之德化德安瑞昌共一十三縣踏勘俱不成災應行刪除外催據南昌袁州臨江吉安饒州南康六府申報寧州新建豐城進賢武寧奉新靖安宜春分宜萍鄉萬載清江新喻新淦峽江廬陵吉水永豐泰和安福永新餘干樂平安仁萬年星子建昌安義二十八州縣勘實被災六分以上田地塘四千八百七十二頃六畝一分七釐三毫六絲該免一災銀二千二百八十六兩四錢五分八釐被災七分八分以上田地塘二萬九千五百八十一頃二十七畝二分七釐四絲該免二災銀二萬七千三百五十八兩七錢四分五釐一毫被災九分十分田地塘一十萬五千八百一十五頃五十八畝六分六釐四毫九絲六微該免三災銀一十七萬三千四百八十五兩八分三釐六毫共被災各則田地塘一十四萬二百六十八頃九十二畝一分八毫零共該免一免二免三旱災銀二十萬三千一百三十兩二錢八分六釐七毫內除隨漕項下

錢糧該旱災銀一萬四千一百四十三兩三錢九分一釐三毫遵例不免外實共免災銀一十八萬八千九百八十六兩八錢九分五釐四毫又分宜萍鄉萬載安福星子五縣帶徵袁州南昌左九江三衛并安福所被災九分十分屯田三百五十二頃八十六畝一分四釐零共該免三災銀一千一百一十兩七分五釐六絲內除漕運項下該旱災銀七百四十六兩五錢一釐四毫零遵例不蠲外實共免災銀三百六十三兩五錢七分三釐五毫零取具各被災輕重分數冊結并委勘無虛印結

西陂類稿

卷三十三

十一

等因前來臣加覆核無異除將冊結揭送部科查考外臣謹會同江南江西督臣傅臘塔合詞具題伏乞

皇上睿鑒勅部議覆施行

災田請緩徵疏

二十九年正月十八日上

該臣看得江右地方土瘠民貧室鮮蓋藏年來水旱游臻仰蒙

皇上矜恤得獲安全茲於康熙二十八年寧州等二十八州縣秋被旱災本年額賦已沐

皇恩蠲減更蒙

皇上軫念民瘼於蠲賦之外又將被災九分十分田畝康熙二十九年錢糧緩徵臣跪誦 綸音仰

見 聖澤廣被恩波浩蕩遵卽通行曉諭被災百姓無不歡聲動地焚香叩頌

天恩臣惟有督率屬吏殫力撫綏以仰副我

皇上視民如傷盛心今據布政使王樑詳稱被災九分十分田畝二十九年緩徵錢糧作何開徵呈請 題明前來臣查江省民間竝無蠶桑之利仰事俯育惟播種是賴乃蒙

皇上垂念災黎當青黃不接之時輸納維艱

西陂類稿

卷三十三

十一

特旨緩徵誠 聖心洞悉民隱無微不照也但江右從未奉有緩徵之行出自曠典其開徵限期無例可循應否將被災九分十分者寬至六月開徵使被災獨重之民於春末夏初之間得以盡力南畝而早禾已登則完納自易羣戴

天恩於無旣矣相應具 題聽候部議臣謹會同江南江西督臣傅臘塔合詞具疏伏乞

皇上睿鑒勅部議覆施行

田

再請緩徵兵米疏

二十九年四月二十九日上

該臣看得江省康熙二十九年本色兵米循請寬

期緩徵一案前准部覆行令具題等因隨卽檄行督糧道查詳去後今據護理督糧道印務南昌府知府張士佺詳稱通省各鎮標營兵丁應支康熙二十九年分月米已行各屬將舊存米內先行支給其有不敷者仍於省倉撥濟所有部撥額米五萬四千石當循例緩徵仍於九月全完俾民力稍寬於旦夕而舊米亦可免紅腐之虞等因呈詳前來臣覆查無異相應具題聽候部議臣謹會同江南江西督臣傅臘塔合詞具題伏乞

皇上睿鑒勅部議覆施行

西陂類稿

卷三十三

十三

請給漕糧腳耗疏

二十九年五月二十三日

臣該看得江西省自康熙二十三年起至二十六年止漕糧奏銷案內支給腳耗米石部駁各省無此扒夫等項名色概令行追今據護理督糧道印務南昌府知府張士佺詳稱行據各府會詳江西省有漕州縣濱江者無幾餘皆僻處山陬僅通溪河一線軍船不能徑抵縣兌必需雇募夫船盤剝前項耗米在所必需久已按數給發原領各夫無可查追如不蒙准銷將來運解支給無項勢必悞漕累民等因前來臣查有漕各屬距省數百里以至

千里不等內止數縣濱江如遇水漲方可便兌節省其餘盡通溪河又多砂石險灘冬月運漕之時正當水涸隨處淺阻軍船重大不能徑赴受兌俱係各州縣雇夫運送用過灘小艇載出溪河遇有淺阻用夫盤剝始達省倉交兌軍船是以全書額編漕糧脚耗留為各縣雇船募夫等用所謂因地制宜者此也至若各省河道深闊軍船可以徑赴州縣受兌竝不需此盤剝夫船是以無此扒夫等項名色而為江省所獨有也在部臣駁追蓋因節省起見臣身在地方稔悉河道形勢雇募夫船盤運必不能免且已給之項為時已久船戶扒夫盡已四散無可追取責成見任之官力不能賠將來運漕支給無項勢必累民尤臣之所惴惴滋懼者也我

西陵類稿

卷三十三

古

皇上軫念民瘼 恩蠲正供數盈千萬深仁厚澤

亘古所無臣敢冒昧

上請仰祈

皇上勅部允銷庶已給之項獲免查追而將來運解漕糧可以按款支給不致累民感戴

皇仁靡有紀極矣臣謹會同江南江西督臣傅臘

塔總督漕臣董訥合詞具疏伏乞

皇上睿鑒勅部議覆施行

西督臣勳顯咨合隨具

請免兵米折解疏

二十九年七月二十七日

該_臣看得江省康熙二十九年上半年所徵兵米竝歷年存剩米石照時折價解部一案行據督糧道叅議郝惟諤詳請仍留等因前來_臣查兵米係計日授餐之需支給刻不容緩如俟四月完半各兵懸釜待炊里民正當播種之時農務方殷率多艱於辦納幸有歷年存剩兵米可以先儘支給將四月完半之米寬至秋成全完_臣兩經疏請俱蒙皇上俞允闔省兵民無不歡呼感戴

西坡類稿

卷三十三

五

天恩今據該道詳稱本年上半年所徵兵米竝歷年存剩米共五萬八千六百九十餘石奉文盡行變價起解倉無積貯倘遇歉歲採買給兵反致糜費且時值秋成有田之家既不買米市廛貧民所需不過升斗如許倉米斷難變價應仍照舊存倉每年動支上半年兵米將四月完半之數寬至秋成全完年年出陳易新自無紅腐之患適與部議相符則一轉移間於國儲毫無所損而江省之民永荷緩徵之

聖恩矣

_臣

謹會同江南江西督臣傅臘塔合詞具

題伏乞

皇上睿鑒勅部議覆施行

再請給漕糧脚耗疏

二十九年十二月十三日上

該

臣看得部駁行追自康熙二十三年起至二十

六年止運漕耗米其難追情由

臣前具疏會

題

請銷部議未允

臣

亦何敢再瀆

天聽惟是嚴檄

飭追不遺餘力茲又據護理督糧道印務南昌府知府張士佺詳據有漕各府詳稱此項米石給散年久竝無扒脚等夫船戶姓名住址可以查追支給各官又已陞遷事故不一承追之官徒受叅罰

西陂類稿

卷三十三

六

無從追取且將來運漕無米支給不能雇募夫船

勢必悞運累民詳覆前來

臣

查各屬運漕至省皆

由溪灘小河必需夫船盤剝原與別省河道深闊

者不同是以運漕立法之始卽設此項脚耗以資

飛輓故各省皆無扒脚等夫名色而爲江省所獨

有也在部臣從節省起見行令追取蓋未悉江省

河道形勢實與別省不同

臣

在地方知之最詳安

敢隱默不言以貽悞漕累民之患且所追之米實

無可追在各官徒受叅罰終屬無濟不得不據詳

再疏上

請仰祈

皇上睿鑒特賜允銷江省官民得免運漕之累頂戴

天恩真無紀極矣

臣

謹會同江南江西督臣傅臘

塔總督漕臣董訥合詞具

題伏乞

皇上睿鑒勅部議覆施行

條議解送旗員疏

三十年三月十一日上

竊惟我

皇上聖明天縱德盛化神宇內蒼生無不含哺鼓腹歌咏太平凡屬大小臣工尤厯

宸衷體恤深仁厚澤亘古所無在於見行定例有

西陲類稿

卷三十三

七

應仰承德意者敢不冒昧上請以祈採擇如在外八旗漢軍文武官員有因叅革降級緣事解任裁缺候補丁憂休致者并其家口槩催歸旗既已嚴立限期復令取經過州縣沿途交付印結倘有中途逗遛該地方文武各官均有處分嚴例地方各官凜遵功令凡屬旗員起行槩查家口名數請給咨牌交與沿途文武各官照撥兵役逐程遞送每至接替處所必將家口按名查驗方取印結回轉臣竊謂遞送取結止應行於叅革有罪之員恐有沿途逗遛或致違限故也若夫丁憂降調裁

缺候補等員俱有官職竝無罪愆乃與叅革之員一槩沿途取結查驗家口兵役押送竟與有罪者無異所當亟行變通者也臣請嗣後歸旗官員除叅革有罪及侵那錢糧并有贓私解部比追及案結應歸休致病故者竝查家口照例給發咨牌逐程遞送取結交卸倘有沿途逗遛卽查該地方文武職名一併按例處分外其在丁憂降調裁缺候補等員服官有日無不顧惜功名何敢故違嚴例自罹叅革似應免其沿途取結可省兵役遞送止給到京定限咨文先將起行日期報部如有違限

西陂類稿

卷三十三

六

卽將本官處分歸旗之員旣邀寬恩又畏嚴例自不敢或有後期而在沿途地方文武各官亦省遞送取結之煩於以廣皇仁而弘體恤靡有紀極矣如果臣言不謬伏乞皇上睿鑒勅部議覆施行

南昌等府積欠請分年帶徵疏

三十年四月三十日上

該臣看得錢糧關係國課自應年清年額不容拖欠絲毫惟是江右地方經甲寅變亂之後傷殘已極臣自莅任以來日事撫拊如火耗私派雜差等弊盡行革除念百姓止此膏血省得一分浮費

即可完 朝廷一分正供無如閭閻彫敝元氣未能盡復田土磽薄又值水旱洊臻以致歲額錢糧未能全完因而年壓一年積欠愈多如南昌府屬之豐城進賢二縣康熙二十六七兩年共未完地丁等銀八千八百七十七兩零吉安府屬之廬陵永豐泰和安福四縣康熙二十三年起至二十七年止共未完地丁等銀二萬三十九兩零廣信府屬之上饒鉛山永豐弋陽四縣康熙二十三年起至二十七年止共未完地丁等銀二萬八千八百五十五兩零南康府屬之安義縣康熙二十六七兩年共未完地丁銀四千五百一十四兩零贛州府屬之寧都縣康熙二十六七兩年共未完地丁銀一千一百六十五兩零以上一十二縣共未完民欠銀六萬三千四百有奇臣日行嚴催不遺餘力今據布政司布政使盧崇興詳稱據各屬士民紛紛具控咸以向經兵燹既受包賠復苦竝徵敲扑多年奄奄垂斃請豁請緩情甚可矜并據各府縣造具節年民欠清冊請將康熙二十三年起至二十七年止未完民欠錢糧以康熙三十年爲始每年帶徵一年以舒民力等因前來臣查江右土

瘠民貧耕穫而外別無資生之策又自寇亂之後
田荒丁缺包賠苦累以終歲胼胝之勞尚不足供
本年之額賦而以數年之積欠竝徵於一時篳楚
之下宛轉哀號誠 聖慈所矜憫者也 臣 叨膺
特簡職在撫綏仰體

皇上視民如傷之仁目擊民困敢不上 聞伏祈
皇上俯念江右兵燹之後荒旱頻仍民困實甚新
舊錢糧委難竝徵將康熙二十三年起至二十七
年止未完民欠錢糧請自康熙三十年爲始每年
帶徵一年庶民困得以少蘇而 國賦不致終懸

西陂類稿

卷三十三

三

矣 臣 非不知 國用殷繁錢糧豈容延緩但與其

節年竝徵民苦分應而難完何如遞年分徵民得
專力而易辦是帶徵之請似遲而實速似絀而反
盈旣於額賦無虧實於民生有裨起此溝壑之瘠
永爲輸將之氓則數百萬難後遺黎咸沐

皇上如天之仁奕世頂祝於不朽矣至於吉水一
縣因知縣吳大本經 臣 糾叅尚未交代俟接署官
查確民欠至日另疏具 題合并聲明旣據該司

造冊呈詳前來相應具 題除將清冊揭送戶部
查考外 臣 謹會同江南江西督臣傅臘塔合詞具

題伏乞

皇上睿鑒勅部議覆施行

三請給漕糧脚耗疏

三十年八月二十日上

該

臣

看得漕糧脚耗前奉部駁自康熙二十三年

起盡行追解

臣

經兩次具

題部議未允遵卽檄

行嚴追去後今據布政使盧崇興督糧道叅政蘇

昌臣呈詳前來

臣

查脚耗銀米自有漕以來卽設

此項刊載全書非同解款蓋因江省州縣距省近者二三百里遠者八九百里溪灘河淺漕艘難行勢必雇覓小艇竹筏用夫挽拽運至省倉方可交

西陂類稿

卷三十三

三

兌原與他省漕船可以徑赴水次受兌者不同此項脚耗原爲運米而設舊全書開載甚明歷來照例支給竝非額外開銷近准部文新全書停其頒發仍照舊全書遵行則是脚耗一項應照舊全書支給無疑矣况當日雇夫雇船不過竭蹶完公一時濟用自不問其姓名亦不登記冊籍無論脚夫舟子萍蹤莫定數載以來存亡莫考卽或見有其人乃係赤貧食力之輩盡力終朝僅得升合若將已役之工價責令償還恐敲扑徒施萬難完補再如經手州縣陞遷降革屢易其人今責成於見任

各官追無可追賠不能賠四十八州縣之官徒受
叅罰終無實濟伏念我

皇上軫恤兆民蠲租賜賑動以千百萬計浩蕩洪
恩遍洽宇內似此零星已給之脚耗赤貧無著之
夫船若不亟請矜豁官民累無底止臣謹據詳

三疏上請仰懇

皇上軫念江漕必需脚耗將從前給過者特賜

允銷將來解運者照舊支給庶於漕務有濟永無
貽累不然數十萬石漕糈遠在溪灘之中何能飛
入省倉漕船之內脚耗一裁官無他術勢必重累

西陂類稿

卷三十三

三

小民臣身任地方何敢緘默有負

皇上殷殷愛民之臣聖懷也臣謹會同江南江西

督臣傅臘塔總督漕臣董訥合詞具題伏乞

皇上睿鑒勅部議覆施行

保薦營官疏三十年十二月上

康熙三十年十二月二十四日准兵部咨開康熙

三十年十二月十二日奉

上諭諭兵部武職官員任寄封疆關係甚重必得
其人始有裨益朕所簡閱素悉之員俱已次第拔
擢今宜選材以備任用爾部行文各將軍總督巡

撫提督及無提督省分總兵官於武職官員內副將以下千把總以上有灼見人材勇健諳練軍務整飭營伍愛恤士卒及行間効力曾經立功者不論本省別省見任候補限文到三日內各舉所知保奏不必彼此會同其在內八旗漢軍官員有人材素優爛於約束堪任要地者亦著各都統副都統保奏爾部卽遵諭行特諭欽此移咨到臣欽惟我

皇上文德覃敷武功赫濯薄海內外無不喁喁向化共樂昇平而聖心廣運加意武備特頒

西陂類稿

卷三十三

三

諭旨令將軍督撫提鎮諸臣各舉所知以備任用臣仰體

皇上旁求至意謹將親知灼見之弁據實入告如江西原任寧都營叅將王國忠福建泉州府同安縣人人材勇健長於藤牌片刀訓練士卒和睦兵民前因盜案降調兵民合詞籲留經督臣與臣會題奉

旨留任後於欽奉

上諭事案内復級今陞四川遵義副將再如南瑞鎮標前營遊擊趙永吉山東兗州府金鄉縣人人

材勇健久歷戎行先以丁憂離任於康熙二十七年六月內有叛犯李美玉袁大相乘湖廣叛兵之變謀爲不軌臣知該將智勇堪任密委擒拏隨縛

二犯解臣審明正法餘黨盡散省會獲寧業經

題報在案旋卽題補今職再如浮梁營守備張

明斗直隸真定府深州人人材勇健整飭營伍曾

經効力行間以上三員均堪任用所當遵諭保

題此外尚有原任廣信營叅將王志係福建泉州

府同安縣人曾經効力行間屢著戰功長於藤牌

片刀諳練軍務兵民愛戴陞任貴州銅仁副將今

西陲類稿 卷三十三 十四

因原任內有叛犯吳讓等逃入該將汛內一案雖

已擒獲註誤革職亦臣親知灼見之弁合并聲明

應否簡用統候聖裁臣謹具題伏乞

皇上睿鑒勅部議覆施行

四請給漕糧脚耗疏三十一年四月初七日上

該臣看得江省漕糧脚耗自康熙二十三年起歷

年奉部駁追臣節經具題請銷部議以全書內

雖有支給耗費銀米字樣竝無脚銀脚米字樣仍

令追完報部遵卽檄行嚴追去後今據布政使盧

崇興督糧道叅政蘇昌臣復據各府縣籲詳前來

臣查江省有漕州縣率皆僻處山陬距省寫遠灘高水淺沙石參錯軍船不能抵縣受兌必須雇募小艇竹筏盤運至省方得交兌此江省兌漕情形與別省不同所以全書編有耗費銀米之款以爲雇募船隻扒脚等夫之用自我朝定鼎以來各屬遵照全書每年隨漕徵給其難追情由臣已三疏入臣告不敢復贅今部覆以全書內雖有支給耗費銀米字樣竝無支給脚銀脚米字樣是內部亦以全書所編之耗費應行動給而此項請銷之脚銀脚米恐係重支故復駁追臣查耗費銀米者

西陲類稿

卷三十三

五

全書該載之總名脚銀脚米者各縣支銷之細數總屬一條竝非兩項况各縣分編漕糧項下編有脚耗米數附載項下編有運費船脚銀數則是全書內原有脚銀脚米字樣其非重支也明矣且當日所雇夫船悉屬遠方窮民計日受餐事畢星散原未質其姓名以爲今日追查之地如康熙二十三年至二十六年承追之官數百餘員俱經部議降俸矣二十七年支給之官三十餘員又經部議降調矣是凡有漕州縣無不處分之員其萬難追取業可概見更慮將來運漕無資既不准動額編

之項又無神輸鬼運之方勢必責成糧里自運赴省以致苦累小民此各州縣所以紛紛籲詳也伏見我

皇上深仁厚澤蠲賦賑荒動以千百萬計卽如從不蠲免之漕糧尚蒙

特諭蠲免洪恩浩蕩遍洽寰區而江省此項遵照額編久經給散之耗費若不亟請矜豁則將來累民勢所難免臣謹據詳再疏上請仰懇

皇恩軫念江漕必需耗費臣勅部查察全書將從前給過者

西陂類稿

卷三十三

三

特賜允銷嗣後解運者照舊支給庶民生永無貽累而國儲亦得早登感沐

皇恩靡有紀極矣臣謹會同江南江西督臣傅臘

塔總督漕臣董訥合詞具題伏乞皇上睿鑒勅部議覆施行

西陂類稿卷三十三終 曾孫齊衡校字

